

SEDMIČNI PREGLED AKTIVNOSTI SUDA BIH

Odjel I, II i III

(13. – 17. novembra 2023.)

- Sud BiH je 6.11.2023. godine potvrdio optužnicu u predmetu **Warris Zigid i dr. (S1 3 K 046301 23 Kv 2)** koja optužene **Warrisa Zigida i Kamala Uildina Araba** tereti da su, radnjama opisanim u optužnici, počinili krivično djelo krijumčarenje ljudi iz člana 189. stav 1., a u vezi sa članom 29. Krivičnog zakona Bosne i Hercegovine (KZBiH).

Optuženi Warris Zigid i Kamal Uildin Arab se terete da su 22.8.2023. na području općine Zvornik, u periodu oko 02:00 sata, u cilju sticanja protupravne imovinske koristi zajedno i u međusobnom dogovoru s njima poznatim licima sa teritorije Republike Srbije učestvovali u nezakonitom prevođenju grupe od osam migranata, državljana Afganistana, čamcem preko rijeke Drine na teritoriju Bosne i Hercegovine.

- Sud je 10.11.2023. u predmetu **Saša Ratković i dr. (S1 2 K 044836 23 K)**, nakon održanog ročišta povodom prijedloga braniteljica optuženih, na kojem se Tužilaštvo izjasnilo da je saglasno da se odredi jemstvo i izreknju mjere zabrane kako su predložene u prijedlozima braniteljica optuženih, donio rješenje kojim su usvojeni prijedlozi branioca optuženih **Mitra Blagojevića i Dražena Šinikovića**, pa je tako optuženom **Mitru Blagojeviću** uz prihvatanje jemstva u iznosu od **265.200,00 KM** i **Draženu Šinikoviću** uz prihvatanje jemstva u iznosu od **299.470,00 KM**, **ukinut pritvor** i istovremeno određene mjere zabrane, i to:

- **zabrana napuštanja boravišta i zabrana putovanja iz člana 126. stav 1. i 2. ZKPBiH;**
- **mjera obaveznog povremenog javljanja državnom organu iz člana 126.a stav 1. tačka d) ZKPBiH.**

Izrečene mjere zabrane mogu trajati dok postoji potreba ili do drugačije odluke Suda. Kontrola opravdanosti izrečenih mjera vršit će se po isteku svaka dva (2) mjeseca. Optuženi su posebno upozoreni da im se može odrediti pritvor u slučaju da prekrše neku od izrečenih mjera zabrane.

Optuženi **Mitar Blagojević** i **Dražen Šiniković**, zajedno s drugim pripadnicima grupe, terete se da su počinili krivično djelo:

- **Mitar Blagojević** – krivično djelo organizirani kriminal iz člana 250. stav 2. KZBiH, u vezi s krivičnim djelom neovlašteni promet opojnim drogama iz člana 195. stav 1. i 3. KZBiH, krivičnim djelom krivotvorenje isprave iz člana 373. stav 2., u vezi sa stavom 1. Krivičnog zakona Federacije Bosne i Hercegovine,
 - **Dražen Šiniković** – krivično djelo organizirani kriminal iz člana 250. stav 2. KZBiH, u vezi s krivičnim djelom neovlašteni promet opojnim drogama iz člana 195. stav 1. KZBiH, pranje novca iz člana 209. stav 3., u vezi sa stavom 1. KZBiH.
- Na ročištu za izjašnjenje o krivnji održanom 10.11.2023., u predmetu **Savo Papić (S1 2 K 046676 23 Ko)**, optuženi **Savo Papić** izjasnio se da **nije kriv** za krivično djelo za koje se tereti optužnicom Tužilaštva BiH – neovlašteni promet opojnim drogama iz člana 195. stav 2. Krivičnog zakona Bosne i Hercegovine.
 - Na ročištu za izjašnjenje o krivnji održanom 10.11.2023. godine u predmetu **Bojan Cvijetić i dr. (S1 2 K 046336 23 Ko)**, optuženi **Bojan Cvijetić, Petar Dukić, Milivoje Todorović, Aleksandar Nikolić, Haris Hodžić, Jelenko Knežević, Saša Rađević, Mladen Milovanović, Davorin Popović, Goran Stojisavljević, Ivan Jurić, Dragan Kresojević, Slavko Brborović, Željko Maksimović, Eldin Hažbić, Radislav Tešić, Mladen Panić, Siniša Bačić** izjasnili su se da **nisu krivi**, a optužena pravna lica **Milco d.o.o. Laktaši, 21. maj d.o.o. Banja Luka, Star-R d.o.o. Istočno Novo Sarajevo** izjasnili su se da **nisu odgovorna** za krivično djelo za koje se terete optužnicom Tužilaštva BiH – organizirani kriminal iz člana 250. stav 3. KZBiH, u vezi s krivičnim djelom neovlašteni promet opojnim drogama iz člana 195. stav 1. KZBiH istog Zakona.
 - Na ročištu za izjašnjenje o krivnji održanom 10.11.2023. godine u predmetu **Zijad Kadrić i dr. (S1 1 K 044290 23 Kro)**, optuženi **Zijad Kadrić, Hajrudin Halilović, Asim Hamzić, Miralem Čengić i Samir Selimović** izjasnili su se da **nisu krivi** za krivično djelo za koje se terete optužnicom Tužilaštva BiH – ratni zločin protiv civilnog stanovništva iz člana 142. stav 1. Krivičnog zakona Socijalističke Federativne Republike Jugoslavije (KZSFRJ) u vezi sa članom 22. i 24. istog Zakona.

- Sud je 13.11.2023. godine u predmetu **Admir Jakupović i dr. (S1 2 K 044745 23 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom su optuženi **Admir Jakupović, Ermin Ljumić, Mirza Serdarević, Melir Hodžić i Al Rijad Fazlić oglašeni krivim** što su na način opisan u izreci presude počinili krivična djela organizirani kriminal iz člana 250. Krivičnog zakona BiH u vezi s krivičnim djelom neovlašteni promet opojnim drogama iz člana 195. Krivičnog zakona BiH, a optuženi **Admir Jakupović i Ermin Ljumić** i krivično djelo neovlašteni promet oružjem i vojnom opremom te proizvodima dvojne upotrebe iz člana 193. KZBiH.

Sud je za navedena krivična djela izrekao kazne kako slijedi:

- Optuženom **Admiru Jakupoviću kaznu zatvora u trajanju od tri (3) godine**. Optuženom se u izrečenu kaznu zatvora uračunava vrijeme koje je proveo u pritvoru u periodu od 10.5.2021. do 8.6.2021. godine;
- Optuženom **Erminu Ljumiću kaznu zatvora u trajanju od dvije (2) godine i tri (3) mjeseca**. Optuženom se u izrečenu kaznu zatvora uračunava vrijeme koje je proveo u pritvoru u periodu od 30.4.2021. do 26.5.2021. godine;
- Optuženom **Mirzi Serdareviću kaznu zatvora u trajanju od jedne (1) godine** i, kao sporednu, **novčanu kaznu u iznosu od 15.000,00 KM** (petnaest hiljada konvertibilnih maraka). Optuženom se u izrečenu kaznu zatvora uračunava vrijeme koje je proveo u pritvoru u periodu od 10.5.2021. do 8.6.2021. godine;
- Optuženom **Meliru Hodžiću kaznu zatvora u trajanju od jedne (1) godine** i, kao sporednu, **novčanu kaznu u iznosu od 1.000,00 KM** (hiljadu konvertibilnih maraka);
- Optuženom **Al Rijadu Fazliću kaznu zatvora u trajanju od jedne (1) godine** i, kao sporednu, **novčanu kaznu u iznosu od 1.000,00 KM** (hiljadu konvertibilnih maraka). Optuženom se u izrečenu kaznu zatvora uračunava vrijeme koje je proveo u pritvoru u periodu od 10.5.2021. do 8.6.2021. godine.

Pored navedenog, optuženima je izrečena mjera sigurnosti oduzimanja predmeta.

Optuženi su, između ostalog, oglašeni krivim što su u periodu od januara 2020. do 10.5.2021. godine, postojali kao grupa za organizirani kriminal koja

je djelovala na području Bosne i Hercegovine, Kraljevine Nizozemske i Republike Francuske s ciljem izvršenja krivičnih djela.

- Sud je 13.10.2023. godine u predmetu **Vildan Ključo i dr. (S1 2 K 024349 17 Krn)**, nakon održanog ročišta, prihvatio prijedlog Tužilaštva BiH i donio rješenje kojim je osumnjičenom **Vildanu Ključiću produžen pritvor** za naredna **dva (2) mjeseca**, odnosno do **15.1.2024.** ili **do nove odluke Suda**, a zbog postojanja posebnih pritvorskih razloga propisanih članom 132. stav 1. tačka a) ZKPBiH, odnosno zbog opasnosti od bjekstva.
- Odlučujući o prijedlogu Tužilaštva Bosne i Hercegovine za produženje mjere pritvora u predmetu **Hassan Taimur (S1 3 K 046505 23 Kps)**, nakon ročišta održanog 13.11.2023., Sud je donio rješenje kojim je optuženom **Hassanu Taimuru produžen pritvor**, koji po ovom rješenju može trajati do izricanja prvostepene presude ili do nove odluke Suda, a najduže **dvije (2) godine** od dana potvrđivanja optužnice, odnosno do 6.11.2025. godine, s tim da će se kontrola opravdanosti pritvora vršiti po isteku svaka dva (2) mjeseca od dana donošenja posljednjeg rješenja o pritvoru. Optuženi **Hassan Taimur** se tereti da je počinio krivično djelo krijumčarenje ljudi iz člana 189. stav 4. u vezi sa stavom 1. KZBiH.

PREDMET	SUDIJA/VIJEĆE	ROČIŠTE
Odjel I Ćamil Ramić i dr. S1 1 K 031399 19 Kri	<i>Minka Kreho</i> <i>Željka Marenić</i> <i>Tanja Curović</i>	Saslušanje dva svjedoka po prijedlogu Tužilaštva
Odjel II Adis Velagić S1 2 K 036587 23 Kžk	<i>Hilmo Vučinić</i> <i>Amela Huskić</i> <i>Staniša Gluhajić</i>	Nastavak pretresa pred vijećem Apelacionog odjeljenja
Odjel I Slobodan Taranjac i dr. S1 1 K 024175 17 Kri	<i>Staniša Gluhajić</i> <i>Vesna Jesenković</i> <i>Šaban Maksumić</i>	Saslušanje jednog svjedoka odbrane prvooptuženog
Odjel I Atif Dudaković i dr. S1 1 K 030713 19 Kri	<i>Željka Marenić</i> <i>Minka Kreho</i> <i>Tanja Curović</i>	Saslušanje dva svjedoka po prijedlogu Tužilaštva
Odjel II Vildan Ključo i dr. S1 2 K 024349 17 Krn	<i>Šaban Maksumić</i>	Odlučivanje o prijedlogu Tužilaštva za produženje pritvora osumnjičenom Vildanu Ključiću

Odjel II Robert Iličić i dr. S1 2 K 045144 23 K	<i>Branko Perić</i> <i>Sena Uzunović</i> <i>Miroslav Janjić</i>	Saslušanje dva svjedoka po prijedlogu Tužilaštva
Odjel I N.N. Mpom S1 1 K 035093 23 Mpom	<i>Davorin Jukić</i>	Pružanje međunarodne pravne pomoći Višem sudu u Beogradu – saslušanje dva svjedoka videolinkom
Odjel I Zoran Nešković i dr. S1 1 K 003410 22 Kri	<i>Zoran Božić</i> <i>Šaban Maksumić</i> <i>Vesna Jesenković</i>	Statusna konferencija
Odjel II Admir Jakupović i dr. S1 2 K 044745 23 K	<i>Stanko Blagić</i> <i>Biljana Čuković</i> <i>Izo Tankić</i>	Saslušanje jednog svjedoka po prijedlogu Tužilaštva; razmatranje sporazuma o priznanju krivnje; objava presude
Odjel II Admir Jakupović i dr. S1 2 K 046826 23 K	<i>Stanko Blagić</i> <i>Biljana Čuković</i> <i>Izo Tankić</i>	Ročište za razmatranje sporazuma o priznanju krivnje; objava presude
Odjel III Filip Romić S1 3 K 046753 23 Eks	<i>Hasija Mašović</i>	Ročište po prijedlogu branioca potraživanog za ukidanje mjere pritvora uz određivanje jemstva
Odjel III Željko Kukec S1 3 K 043326 22 K	<i>Uzunović Sena</i> <i>Janjić Miroslav</i> <i>Perić Branko</i>	Izricanje presude
Odjel III Hassan Taimur S1 3 K 046505 23 Kps	<i>Dragan Vukajlović</i>	Ročište po prijedlogu Tužilaštva za produženje mjere pritvora nakon potvrđivanja optužnice

UTORAK, 14. novembra 2023. godine

- Sud je 14.11.2023. godine u predmetu **Artur Akhmadov (S1 3 K 046713 23 Eks 2)**, u postupku izručenja potraživanog **Artura Akhmadova**, po međunarodnoj crvenoj potjernici NCB Interpol Moskva, Ruska Federacija, odnosno NCB Interpola Sarajevo, odlučujući o zahtjevu države moliteljice za produženju mjere privremenog pritvora prema potraživanom, van ročišta, 14.11.2023. donio rješenje kojim je potraživanom produžen privremeni pritvor,

tako da isti po ovom rješenju može trajati do dostavljanja molbe za izručenje i ekstradicione dokumentacije od države moliteljice ili do nove odluke Suda, a najduže **40 (četrdeset) dana**, računajući od dana lišenja slobode, odnosno od dana 29.10.2023. do **7.12.2023. godine**.

- Sud je 14.11.2023. godine donio i javno objavio prvostepenu presudu u predmetu **Miladin Trifunović (S1 1 K 031562 19 Kri)** kojom je optuženi **Miladin Trifunović oslobođen od optužbe** jer nije dokazano da je radnjama opisanim u izreci presude počinio krivično djelo zločini protiv čovječnosti iz člana 172. stav 1. tačke a) i k) Krivičnog zakona Bosne i Hercegovine, u vezi sa članom 180. stav 1., članom 30. i 31. istog Zakona.

Optuženi **Miladin Trifunović** se optužnicom Tužilaštva Bosne i Hercegovine tereti da je od početka jula do 16. decembra 1992. godine, za vrijeme oružanog sukoba između Vojske Republike Srpske (VRS) i Armije Republike Bosne i Hercegovine (ARBiH), postupao suprotno pravilima međunarodnog prava kršeći odredbe Ženevske konvencije o zaštiti građanskih osoba za vrijeme rata, a u okviru širokog i sistematičnog napada VRS na civilno muslimansko stanovništvo općina Vogošća i Ilijaš, znajući za taj napad i da njegove radnje čine dio tog napada, kao komandant Vogošćanske (Crnovrške) brigade VRS-a, u cilju nanošenja velikih patnji i povreda tjelesnog integriteta civilnih lica, planirao, naređivao, podstrekavao i pomagao širok i sistematičan napad protiv civilnog muslimanskog stanovništva općina Vogošća i Ilijaš, na političkoj, nacionalnoj, etničkoj, kulturnoj i vjerskoj osnovi, ubistvima i nečovječnim djelima.

Na ovu presudu je dozvoljena žalba vijeću Apelacionog odjeljenja Suda Bosne i Hercegovine u roku od 15 dana od prijema pismenog opravka.

- Sud je 14. 11. 2023. godine, u predmetu **Jozo Cigić**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Jozo Cigić oglašen krivim** što je, na način opisan u izreci presude, počinio krivično djelo organizirani kriminal iz člana 250. stav 3 KZBiH u vezi s krivičnim djelom teška krađa iz člana 287. stav 1. tačka a) KZFBiH, u vezi sa članom 55. istog Zakona.

Sud je optuženom za počinjena krivična djela izrekao kaznu zatvora u trajanju **od jedne (1) godine**. Istovremeno, kao sporednu, Sud je optuženom izrekao

novčanu kaznu u iznosu od **60.000,00 KM**, koju je optuženi dužan platiti u roku od 6 (šest) mjeseci od dana pravomoćnosti presude.

Optuženi **Jozo Cigić** se, između ostalog, tereti da je, u periodu od 2011. do kraja 2017., na području Bosne i Hercegovine, dobrovoljno postao pripadnikom grupe za organizirani kriminal, koja je radi kontinuiranog sticanja materijalne koristi organizirana radi prethodno planiranog i dogovorenog otuđenja skupocjenih putničkih motornih vozila, iznuđivanja novca za povrat vozila njihovim vlasnicima, rastavljanja otuđenih vozila u dijelove, a potom prodaje tako rastavljenih dijelova s namjerom prikrivanja krivičnog djela, te krijumčarenja i prodaje otuđenih vozila na teritoriji Republike Srbije, Republike Hrvatske i Crne Gore, na način da je, u više navrata, u periodu od 8.8.2012. do 10.12.2016., zajedno s drugim njemu poznatim pripadnicima grupe, učestvovao u otuđenju putničkih motornih vozila na području grada Mostara, koja vozila su nakon otuđenja prevozili na njima poznate skrivene lokacije, da bi potom drugi njima poznati pripadnici grupe otuđena vozila prevozili na teritoriju R. Srbije ili vršili njihovo rastavljanje u dijelove.

- Sud Bosne i Hercegovine je 14.11.2023. godine **Warris Zigid i dr. (S1 3 K 046301 23 Kps)** donio rješenje kojim je osumnjičenim **Warrisu Zigidu i Kamalu Ulidinu Arabu** produžen pritvor nakon potvrđivanja optužnice, koji po ovom rješenju može trajati do izricanja prvostepene presude ili do nove odluke Suda, a najduže **jednu (1) godinu i šest (6) mjeseci**, računajući od dana potvrđivanja optužnice, odnosno od **10.11.2023. do 10.5.2025. godine**.
- Sud je 14.11.023. u predmetu **Nemanja Nikolić (S1 3 K 046835 23 Eks)**, u postupku izručenja potraživanog **Nemanje Nikolića**, po međunarodnoj difuznoj potjernici NCB Interpola Bern, Švicarska Konfederacija, odnosno NCB Interpola Sarajevo, raspisanoj u cilju krivičnog gonjenja potraživanog zbog postojanja sumnje da je počinio krivično djelo razbojništvo, povreda imovine i oštećenje imovine iz člana 140., 186. i 144. KZ Švicarske, odlučujući o zahtjevu za privremeno lišenje slobode potraživanog, nakon održanog ročišta donio rješenje kojim je potraživanom **Nemanji Nikoliću određen ekstradicioni pritvor**, zbog bojazni da će potraživani izbjeći postupak izručenja ili provođenja izručenja, u smislu člana 39. stav 1. tačka a) Zakona o međunarodnoj pravnoj pomoći u krivičnim stvarima.

Ekstradicioni pritvor po ovom rješenju može trajati najduže **šest (6) mjeseci** od dana lišenja slobode potraživanog, odnosno od **13.11.2023. do 13.5.2024.**, odnosno do izvršenja odluke o izručenju ili do nove odluke Suda.

- Odlučujući o sporazumu o priznanju krivnje u predmetu **Muhammad Nasri i dr. (S1 3 K 045980 23 K)**, Sud je 14.11.2023. prihvatio navedeni sporazum i donio presudu kojom su optuženi **Muhammad Nasri i Zain Afridi** oglašeni krivim što su, radnjama opisanim u izreci presude, počinili krivično djelo krijumčarenje ljudi iz člana 189. stav 1. KZBiH a sve u vezi sa članom 29. KZBiH. Sud je optuženima za počinjeno krivično djelo izrekao kazne zatvora u trajanju od po **devet (9) mjeseci**.

Nadalje u istom predmetu, odlučujući o mjeri pritvora nakon izricanja presude optuženim, Sud je 14.11.2023. donio rješenje kojim se optuženim **Muhammadu Nasriju i Zainu Afridiju produžava pritvor nakon izricanja presude**, koji po ovom rješenju može trajati do upućivanja optuženih na izdržavanje kazne zatvora, a najduže **devet (9) mjeseci**, od dana izricanja prvostepene presude, s tim da pritvor ne može trajati duže od izrečene kazne zatvora.

PREDMET	SUDIJA/VIJEĆE	ROČIŠTE
Odjel I Borislav Paravac i dr. S1 1 K 020503 16 Kri	<i>Davorin Jukić</i> <i>Darko Samardžić</i> <i>Minka Kreho</i>	Saslušanje optuženog u svojstvu svjedoka
Odjel III Džejna Hujčić S1 3 K 040813 23 K	<i>Stanko Blagić</i>	Objava presude
Odjel III Zigid Warris i dr. S1 3 K 046301 23 Kps	<i>Minka Kreho</i>	Ročište po prijedlogu Tužilaštva za produženje pritvora optuženim
Odjel III Nemanja Nikolić S1 3 K 046835 23 Eks	<i>Izo Tankić</i>	Ročište za određivanje ekstradicionog pritvora
Odjel I Miladin Trifunović S1 1 K 031562 19 Kri	<i>Braco Stupar</i> <i>Davorin Jukić</i> <i>Tatjana Kosović</i>	Izricanje presude
Odjel I Milomir Đuričić i dr. S1 1 K 034788 22 Kri	<i>Staniša Gluhajić</i> <i>Vesna Jesenković</i> <i>Šaban Maksumić</i>	Iznošenje završne riječi Tužilaštva
Odjel II Darko Jeremić i dr. S1 2 K 024348 17 K	<i>Goran Radević</i> <i>Miroslav Janjić</i> <i>Sena Uzunović</i>	Saslušanje jednog svjedoka po prijedlogu Tužilaštva

Odjel II Selmo Cikotić S1 2 K 030304 22 K	<i>Mirsad Strika</i> <i>Branko Perić</i> <i>Miroslav Janjić</i>	Iznošenje završne riječi odbrane optuženog
Odjel I Pero Radić i dr. S1 1 K 034308 20 Kri	<i>Minka Kreho</i> <i>Željka Marenić</i> <i>Tatjana Kosović</i>	Saslušanje svjedoka po prijedlogu Tužilaštva
Odjel II Ivan Jovanović i dr. S1 2 K 045336 23 Ko	<i>Željka Marenić</i>	Ročište za razmatranje izjave o priznanju krivnje
Odjel II Ahira Gurda S1 2 K 046492 23 K	<i>Izo Tankić</i>	Početak glavnog pretresa
Odjel II Ivan Antunović i dr. S1 2 K 032139 20 K	<i>Goran Radević</i> <i>Hasija Mašović</i> <i>Braco Stupar</i>	Provođenje dokaza po odluci Suda saslušanjem jednog svjedoka
Odjel III Muhammad Nasri i dr. S1 3 K 045980 23 K	<i>Izo Tankić</i>	Ročište za razmatranje sporazuma o priznanju krivnje; ročište za izricanje krivičnopravne sankcije i izricanje presude

SRIJEDA, 15. novembra 2023. godine

- Sud je 15.11.2023. godine u predmetu **Emre Yildirim i dr. (S1 3 K 046837 23 Kpp 2)** prihvatio prijedlog Tužilaštva BiH od 14.11.2023. godine i donio rješenje kojim je prema osumnjičenicima **Emre Yildirim i Gokmen Recep određen pritvor**, tako da isti po ovom rješenju može trajati najduže **mjesec dana** od dana lišenja slobode, odnosno do **12.12.2023.** ili do nove odluke Suda, i to zbog postojanja pritvorskih razloga propisanih članom 132. stav 1. tačke a) i b) ZKPBiH, odnosno zbog opasnosti od bjekstva, bojazni da će uništiti, sakriti, izmijeniti ili krivotvoriti dokaze i tragove važne za krivični postupak.

Osumnjičenim je određen pritvor zbog osnovane sumnje da su počinili krivično djelo krijumčarenje ljudi iz člana 189. stav 1. Krivičnog zakona Bosne i Hercegovine, u vezi sa članovima 26. i 29. istog Zakona.

- Na ročištu za izjašnjenje o krivnji održanom 15.11.2023. u predmetu **Zijad Kadrić i dr. (S1 1 K 044290 23 Kro)** optuženi **Amir Murtić** izjasnio se da **nije kriv** za krivično djelo za koje se tereti optužnicom Tužilaštva BiH – ratni zločin protiv civilnog stanovništva iz člana 142. stav 1. Krivičnog zakona Socijalističke Federativne Republike Jugoslavije u vezi sa članom 22. i 24. istog Zakona.
- Sud je 15.11.2023. godine u predmetu **Željko Stekić (S1 3 K 046360 23 Kps)** donio rješenje kojim je osumnjičenom **Željku Stekiću produžen pritvor** nakon potvrđivanja optužnice koji po ovom rješenju može trajati do izricanja prvostepene presude ili do nove odluke Suda, a najduže **dvije (2) godine**, od dana potvrđivanja optužnice, s tim da će se kontrola opravdanosti pritvora vršiti po isteku svaka dva (2) mjeseca, od dana donošenja posljednjeg rješenja o pritvoru.
- Sud je 15.11.2023. u predmetu **Haris Garaplija i dr. (S1 2 K 046847 23 K)**, nakon održanog ročišta za razmatranje sporazuma o priznanju krivnje i pretresa za izricanje krivičnopravnih sankcija, donio presudu kojom su optuženi Haris Garaplija, Nejra Jusufović, Naida Ćehajić i Marina Gogalić, oglašeni krivim što su, radnjama opisanim u izrezi presude počinili:
 - Optuženi **Haris Garaplija i Nejra Jusufović** – krivično djelo udruživanje radi činjenja krivičnih djela iz člana 249. stav 2. Krivičnog zakona BiH i krivično djelo falsifikovanje novca iz člana 205. stav 1. KZBiH, a sve u vezi sa članom 53. KZBiH;
 - Optužena **Naida Ćehajić** – krivično djelo udruživanje radi činjenja krivičnih djela iz člana 249. stav 2. Krivičnog zakona BiH i krivično djelo krivotvorenje novca iz člana 205. stav 1. KZBiH, a sve u vezi sa članom 53. KZBiH;
 - Optužena **Marina Gogalić** – krivično djelo udruživanje radi činjenja krivičnih djela iz člana 249. stav 2. Krivičnog zakona BiH i krivično djelo krivotvorenje novca iz člana 205. stav 4. KZBiH, a sve u vezi sa članom 53. KZBiH.

Sud je optuženim za počinjena krivična djela izrekao sljedeće kazne:

- Optuženim **Harisu Garapliji i Nejri Jusufović** – **jedinstvene kazne zatvora** u trajanju od **po sedam (7) mjeseci**;

- Optuženim **Naidi Ćehajić i Marini Gogalić – uvjetne osude**, kojim se utvrđuje jedinstvena kazna zatvora u trajanju od **po dvije godine** i istovremeno određuje da se ova kazna neće izvršiti ako optužene u roku od četiri (4) godine od dana pravomoćnosti ove presude ne počine novo krivično djelo.

Na osnovu zakonskih propisa od optuženih **Naide Ćehajić i Marine Gogalić** se trajno oduzimaju sredstva počinjenja izvršenog krivičnog djela, odnosno lažni novac.

- Odlučujući o zahtjevu za privremeno lišenje slobode potraživanog u predmetu **Bakrou Noureldine (S1 3 K 046848 23 Eks)**, u postupku izručenja potraživanog **Bakroa Noureldina**, po međunarodnoj potjernici NCB Interpola Bukurešt, Republika Rumunija, odnosno NCB Interpola Sarajevo, a cilju izvršenja pravomoćne presude suda u Republici Rumuniji, nakon održanog ročišta, Sud je donio rješenje kojim je potraživanom **Bakrou Noureldinu određen ekstradicioni pritvor** zbog bojazni da će potraživani izbjeći postupak izručenja ili provođenja izručenja, u smislu člana 39. stav 1. tačka a) Zakona o međunarodnoj pravnoj pomoći u krivičnim stvarima. Ekstradicioni pritvor po ovom rješenju može trajati najduže **šest (6) mjeseci** od dana lišenja slobode potraživanog, odnosno od **14.11.2023.** do **14.5.2024.** godine, tj. do izvršenja odluke o izručenju ili do nove odluke Suda.

PREDMET	SUDIJAVIJEĆE	ROČIŠTE
Odjel I Ranko Draškić i dr. S1 1 K 041856 22 Kri	Šaban Maksumić Vesna Jesenković Staniša Gluhajić	Iznošenje završne riječi odbrane drugooptuženog Save Manojlovića
Odjel I Zijad Kadrić i dr. S1 1 K 044290 23 Kro	Minka Kreho	Ročište za izjašnjenje o krivnji
Odjel I Đuro Matuzović i dr. S1 1 K 024158 17 Kri	Minka Kreho Željka Marenić Tatjana Kosović	Saslušanje jednog svjedoka po prijedlogu odbrane prvooptuženog
Odjel I Zdravko Kandić i dr. S1 1 K 040709 22 Kri	Davorin Jukić Braco Stupar Tatjana Kosović	Saslušanje jednog svjedoka po prijedlogu Tužiteljstva

Odjel III Željko Stekić S1 3 K 046360 23 Kps	Željka Marenić	Ročište po prijedlogu Tužilaštva za produženje pritvora osumnjičenim
Odjel III Mladen Ivić S1 3 K 046103 23 Kps	Lejla Konjić Dragović	Ročište odgođeno
Odjel III Emre Yildirim i dr. S1 3 K 046837 23 Kpp	Goran Radević	Ročište po prijedlogu Tužilaštva za određivanje pritvora osumnjičenim
Odjel III Bakrou Noureldine S1 3 K 046848 23 Eks	Mirsad Strika	Ročište za određivanje ekstradicionog pritvora
Odjel II Ramel Jusufi i dr. S1 2 K 044751 23 K	Stanko Blagić	Razmatranje sporazuma o priznanju krivnje
Odjel I Rajko Kušić S1 1 K 041352 23 Mpom	Zoran Božić	Pružanje međunarodne pravne pomoći Višem sudu u Beogradu – saslušanje dva svjedoka videolinkom
Odjel II Mato Žarić i dr. S1 2 K 031691 23 K	Mirsad Strika Goran Radević Hasija Mašović	Ulaganje materijalnih dokaza odbrane trećeoptuženog
Odjel II Dalibor Raičić i dr. S1 2 K 044546 23 K	Miroslav Janjić Branko Perić Sena Uzunović	Saslušanje dva svjedoka po prijedlogu Tužilaštva
Odjel II Milijan Mijović i dr. S1 2 K 046799 23 K	Mirza Đozo Sena Uzunović Miroslav Janjić	Razmatranje sporazuma o priznanju krivnje
Odjel II Haris Garaplija S1 2 K 046847 23 K	Stanko Blagić	Razmatranje sporazuma o priznanju krivnje

ČETVRTAK, 16. novembra 2023. godine

- Sud je 16.11.2023. godine u predmetu **Ahmadzai Alam Jan (S1 3 K 046856 23 Eks)** u postupku izručenja potraživanog **Ahmadzaija Alama Jana**, po međunarodnoj difuznoj potjernici NCB Interpol Beograd, Republika Srbija, odnosno NCB Interpola Sarajevo, a sve u cilju krivičnog gonjenja zbog

krivičnog djela pokušaj ilegalnog prelaska državne granice i krijumčarenje ljudi u saučesništvu, propisano članom 350. stav 3. u vezi sa stavom 2. i u vezi sa članom 30. i 31. KZ R. Srbije, odlučujući o zahtjevu za privremeno lišenje slobode potraživanog, a nakon održanog ročišta, donio rješenje kojim je potraživanom Ahmadzaiju Alamu Janu produžen pritvor koji po ovom rješenju može trajati najduže 18 (osamnaest) dana od dana lišenja slobode potraživanog, odnosno do 2.12.2023. godine ili do nove odluke Suda.

- Na ročištu za izjašnjenje o krivnji održanom 16.11.2023. u predmetu **Ferid Buljubašić i dr. (S1 1 K 018498 23 Kro)**, optuženi **Ferid Buljubašić, Ahmet Sejdić, Rašid Sobo, Ševko Glušac, Zakir Jamak, Bahrudin Muhić, Adem Fehrić, Mustafa Poljo, Enver Kustura, Muhamed Liska, Sakib Čakar, Izet Sejdić i Munir Nalo** izjasnili su se da **nisu krivi** za krivično djelo za koje terete optužnicom Tužilaštva BiH – ratni zločin protiv civilnog stanovništva iz člana 173. stav 1. tačke a), c), e) i f) Krivičnog zakona Bosne i Hercegovine, krivičnog djela organiziranje grupe ljudi i podstrekavanje na učinjenje krivičnih djela genocida, zločina protiv čovječnosti i ratnih zločina iz člana 176. stav 1. i 2. KZBiH, te krivičnog djela povrede zakona ili običaja rata iz člana 179. stav 1. i 2. tačka b) KZBiH, a sve u vezi sa članovima 29, 30, 31, 35. i 180. stav 1. istog Zakona.

PREDMET	SUDIJA/VIJEĆE	ROČIŠTE
Odjel I Džemal Hadžić i dr. S1 1 K 027423 18 Kri	<i>Minka Kreho Željka Marenić Tanja Curović</i>	Saslušanje jednog svjedoka po prijedlogu Tužilaštva
Odjel I Dragomir Obradović i dr. S1 1 K 036865 21 Kri	<i>Enida Hadžiomerović Darko Samardžić Jasmina Ćosić Dedović</i>	Saslušanje tri svjedoka po prijedlogu Tužilaštva
Odjel I Stojan Petrović S1 1 K 038509 22 Kri	<i>Lejla Konjić Dragović Davorin Jukić Braco Stupar</i>	Iznošenje završnih riječi Tužiteljstva
Odjel I Ferid Buljubašić i dr. S1 1 K 018498 23 Kro	<i>Enida Hadžiomerović</i>	Ročište za izjašnjenje o krivnji
Odjel I Zijad Srabović i dr. S1 1 K 021677 19 Kri	<i>Braco Stupar Davorin Jukić Enida Hadžiomerović</i>	Izvođenje materijalnih dokaza odbrane šestooptuženog Samira Džambića i odbrane

		sedmooptuženog Mirsada Žilića
Odjel III Ahmadzai Alam Jan S1 3 K 046856 23 Eks	<i>Tatjana Kosović</i>	Ročište za određivanje ekstradicionog pritvora
Odjel III Amir Čamdžić S1 3 K 044916 23 Kps	<i>Davorin Jukić</i>	Ročište za izjašnjenje o krivnji
Odjel III Davud Šabić S1 3 K 042237 22 K	<i>Hasija Mašović</i>	Izricanje presude
Odjel III Ilija Ivanović S1 3 K 044896 23 K	<i>Branko Perić</i>	Početak glavnog pretresa

PETAK, 17. novembra 2023. godine

PREDMET	SUDIJA VIJEĆE	ROČIŠTE
Odjel II Nenad Radetić i dr. S1 2 K 044550 23 K	<i>Hasija Mašović</i>	Saslušanje prvooptuženog u svojstvu svjedoka, ulaganje materijalnih dokaza odbrane drugooptuženog; Izricanje odluke Suda o prihvatljivosti dokaza Tužilaštva
Odjel II Draželjko Kolobarić S1 2 K 046734 23 Ko	<i>Tanja Curović</i>	Ročište za razmatranje sporazuma o priznanju krivnje
Odjel I Rade Grujić S1 1 K 044237 23 Kri	<i>Tanja Curović</i> <i>Minka Kreho</i> <i>Željka Marenić</i>	Saslušanje dva svjedoka po prijedlogu odbrane
Odjel I Spomenko Novović i dr. S1 1 K 039203 23 Krž	<i>Redžib Begić</i> <i>Staniša Gluhajić</i> <i>Željka Marenić</i>	Sjednica vijeća Apelacionog odjeljenja

Odjel I Jovo Jandrić i dr. S1 1 K 044249 23 Mpom	<i>Jasmina Ćosić Dedović</i>	Saslušanje vještaka videolinkom po zamolnici Višeg suda u Beogradu
Odjel III Suvada Halilović i dr. S1 3 K 044736 23 K	<i>Hasija Mašović</i>	Izvođenje dokaza Tužilaštva saslušanjem dva svjedoka
Odjel III Mješoviti holding S1 3 K 036413 20 K	<i>Goran Radević</i>	Iznošenje završne riječi Tužilaštva
Odjel I Borislav Gligorević. S1 1 K 045790 23 Kri	<i>Davorin Jukić</i> <i>Lejla Konjić Dragović</i> <i>Braco Stupar</i>	Saslušanje jednog svjedoka s mjerama zaštite po prijedlogu Tužilaštva

Najave za narednu sedmicu:

Za ponedjeljak, 20.11.2023. godine:

- **Bogdan Mirković i dr. (S1 2 K 040900 23 K)** – Ročište za početak glavnog pretresa zakazano u 9:30 sati, sudnica 7.

Za utorak, 21.11.2023. godine:

- **Jozo Kolobarić (S1 2 K 046486 23 K)** – Ročište za razmatranje sporazuma o priznanju krivnje zakazano u 10:00 sati, sudnica 7.

Za srijedu, 22.11.2023. godine:

- **Milorad Dodik i dr. (S1 2 K 046070 23 K)** – Ročište za početak glavnog pretresa zakazan u 13:00 sati, sudnica 9;
- **Ranko Balaban i dr. (S1 1 K 018693 16 Kri)** – Objava presude zakazana u 13:00 sati, sudnica 4.

Za četvrtak, 23.11.2023. godine:

- **Nedim Uzunović i dr. (S1 2 K 031467 23 Ko)** – Ročište za izjašnjenje o krivnji zakazano u 9:00 sati, sudnica 6;

- **Amanullah Ishakil i dr. (S1 2 K 042337 23 K)** – Ročište za početak glavnog pretresa zakazan u 9:00 sati, sudnica 3;
- **Stojan Petrović (S1 1 K 038509 22 Kri)** – Iznošenje završnih riječi odbrane optuženog Stojana Petrovića zakazano u 13:00 sati, sudnica 5.

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	13	20
Organizirani kriminal	0	0
Opći kriminal	0	0

Broj održanih ročišta u sudnicama 3-9	57
Broj zahtjeva za izdavanje AV materijala (Odjeljenje za informiranje javnosti)	3

Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: pios@sudbih.gov.ba